



## KOMUNIKASAUN BA IMPRENSA

*Komunikadu ba Imprensa  
21 Juñu 2010*

### **DNTPSC HALA'O PUBLIKASAUN MAPA RAI NIAN BA DALA IKUS IHA KAPITAL DISTRITU LIQUIÇA**

Iha loron 14 Juñu 2010, Direção Nacional de Terras, Propriedades e Serviços Cadastrais (DNTPSC), halo publikasaun mapa rai nian ba dala ikus iha Kapital Distritu Liquiça.

Area ne'ebe inklui iha prosesu publikasaun mapa ne'e maka, Distritu Liquiça, sub distritu Bazartete, Suco Maumeta, Aldeia Nartutu no Daramudapu, no mos Suco Lauhata, Aldeia Camalehou, Pissu Lete no Pissu Craic. Publikasaun mapa iha area refere hahu iha 14 Juñu 2010 no sei remata iha 26 Jullu 2010.

Director DNTPSC, Sr. Jaime Xavier Lopes hateten *“Publikasaun mapa ne'e hala'o ba dala ikus ona iha Kapital Distritu Liquiça, tanba prosesu levantamentu de dadus iha kapital distritu Liquiça remata tiha ona, iha fulan Abril 2010 liuba. Bazeia ba Dekretu Ministerial No. 229/2008 dia 1 Jullu 2008 katak tempu ba publikasaun mapa mak loron 30. Tan ne'e husu ba komunidadade iha area refere atu bele ba haree ita boot sira nia dadus iha iha fatin taka mapa publikasaun, hodi nune'e bele fo aprovasaun ba ita boot sira nia dadus. Karik iha dadus ne'ebe seidak loos, bele hadi'a, no mos karik iha reklamasaun ruma bele hato'o iha tempu publikasaun ne'e.*

Levantamentu de dadus kona-ba rai no na'in ba rai autorizada husi Ministra da Justiça liu husi Dekretu Ministerial No. 229/2008 dia 1 Julhu 2008. Dekretu ida ne'e fó mandatu ba DNTPSC atu hala'o publikasaun ba dadus ne'ebe rekolla tiha ona, ho nia durasaun ba publikasaun ne'e maka loron 30 (semana 6) durante tempu servisu.

Fatin ba taka Mapa Publikasaun ne'e mak, edifisiu DTP Distritu Liquiça, Suco Maumeta no Suco Lauhata. Iha nivel nasional, publika iha edifisiu DNTPSC Beborá-Dili. Bele asesu mos iha website: [www.itaniarai.tl](http://www.itaniarai.tl)

Publikasaun mapa hanesan prosesu hodi fó garantia ba transparansia, tanba fó oportunidade ba populasun atu verifika dadus ne'ebe foti iha nivel lokal. Durante tempu ne'e, ema sei bele hato'o deklarasaun foun ida, no mos bele hatama reklamasaun, ne'ebe

**HAMETIN DIREITU BA PROPRIEIDADE IHA TIMOR-LESTE  
Balide, Dili, Timor-Leste**

*Hodi hetan informasaun liu tan, bele kontaktu:*

## KOMUNIKASAUN BA IMPRENSA

hanesan disputa ida kontra ema seluk nia deklarasaun. Bainhira publikasaun hotu ona, ema sei labele hatama deklarasaun foun ka halo reklamasaun ba ema seluk nia deklarasaun iha area ne'ebe refere.

Programa Ita Nia Rai ho durasaun tinan Lima (2007 – 2012) hetan fundus husi Governu Amerikano liu hosi USAID hodi tulun Governu Timor-Leste atu aseguira direitu ba rai no propriedade iha Timor-Leste. Servisu hamutuk ho DNTPSC (Ministerio da Justiça), programa ida ne'e atu fó assistensia téknika no suporta regulamentu ba dezvoltamentu sustentavel no transparente ba sistema administrasaun rai iha Timor-Leste. Dadaun ne'e prosesu foti dadus kona-ba rai hala'o ona iha Capital Distritu Aileu, Baucau, Bobonaro, Liquiça, Manatuto, Oecusse, Dili, Lautem no la kleur tan sei habelar ba Capital Distritu Ainaro no Covalima.

- Remata -

**HAMETIN DIREITU BA PROPRIEDADE IHA TIMOR-LESTE**  
**Balide, Dili, Timor-Leste**

*Hodi hetan informasaun liu tan, bele kontaktu:*